



Broj: 01/4-50-3-4-67/18
Sarajevo, 6. 7. 2018.

Z A P I S N I K

67. sjednice Komisije za finansije i budžet Predstavničkog doma Parlamentarne skupštine BiH, održane 5. 7. 2018, od 9.00 do 9.50 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Aleksandra Pandurević, Mirsad Isaković, Dušanka Majkić, Jasmin Emrić i Damir Bećirović.

Sjednici su, također, prisustvovali: Ranko Šakota, direktor Centralne harmonizacijske jedinice Ministarstva finansija i trezora BiH, Drago Bagarić, savjetnik ministra, Dragana Lažetić i Edin Jukić, šefovi odsjeka u Ministarstvu finansija i trezora BiH, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Vlade Srdanović, stručni saradnik, Nevena Cvjetić, stručna savjetnica, te Željko Kosmajac, sekretar Komisije.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 66. sjednice Komisije;
2. Razmatranje Prijedloga zakona o izmjeni Zakona o akcizama u Bosni i Hercegovini (predlagači poslanici: Salko Sokolović, Senad Šepić i Sadik Ahmetović);
3. Razmatranje Konsolidiranog izvještaja o sistemu finansijskog upravljanja i kontrole u institucijama BiH za 2017. godinu (podnosilac: Ministarstvo finansija i trezora BiH);
4. Razmatranje Godišnjeg konsolidiranog izvještaja interne revizije za 2017. godinu (podnosilac: Ministarstvo finansija i trezora BiH);
5. Razmatranje Informacije o stanju javne zaduženosti Bosne i Hercegovine na dan 31. 12. 2017. (sačinilac: Ministarstvo finansija i trezora BiH).

Ad. 1. Usvajanje Zapisnika 66. sjednice Komisije

Zapisnik 66. sjednice Komisije usvojen je jednoglasno, bez primjedbi.

Ad. 2. Razmatranje Prijedloga zakona o izmjeni Zakona o akcizama u Bosni i Hercegovini (predlagači poslanici: Salko Sokolović, Senad Šepić i Sadik Ahmetović)

Prijedlog zakona o izmjeni Zakona o akcizama u Bosni i Hercegovini obrazložio je poslanik Salko Sokolović.

Potom je predsjedavajući Komisije otvorio raspravu u kojoj su učestvovali: Mirsad Isaković, Predrag Kožul i Drago Bagarić, savjetnik ministra u Ministarstvu finansija i trezora BiH.

Nakon rasprave, Komisija je, s četiri glasa „za“, jednim glasom „protiv“ i jednim „suzdržanim“ glasom, prihvatila Prijedlog zakona o izmjeni Zakona o akcizama u Bosni i Hercegovini, u prvoj komisijskoj fazi.

Ad. 3. Razmatranje Konsolidiranog izvještaja o sistemu finansijskog upravljanja i kontrole u institucijama BiH za 2017. godinu (podnosilac: Ministarstvo finansija i trezora BiH)

Ad. 4. Razmatranje Godišnjeg konsolidiranog izvještaja interne revizije za 2017. godinu (podnosilac: Ministarstvo finansija i trezora BiH)

Na prijedlog predsjedavajućeg, Komisija je jednoglasno objedinila raspravu o tačkama 3. i 4. dnevnog reda 67. sjednice Komisije za finansije i budžet Predstavničkog doma PSBiH.

Konsolidirani izvještaj o sistemu finansijskog upravljanja i kontrole u institucijama BiH za 2017. godinu i Godišnji konsolidirani izvještaj interne revizije za 2017. godinu obrazložio je Ranko Šakota, direktor Centralne harmonizacijske jedinice Ministarstva finansija i trezora BiH.

Potom je Komisija, sa šest glasova „za“ i jednim glasom „suzdržan“, prihvatila Konsolidirani izvještaj o sistemu finansijskog upravljanja i kontrole u institucijama BiH za 2017. godinu.

Također, Komisija je, sa šest glasova „za“ i jednim glasom „suzdržan“, prihvatila Godišnji konsolidirani izvještaj interne revizije za 2017. godinu.

5. Razmatranje Informacije o stanju javne zaduženosti Bosne i Hercegovine na dan 31. 12. 2017. (sačinilac: Ministarstvo finansija i trezora BiH)

Informaciju o stanju javne zaduženosti Bosne i Hercegovine na dan 31. 12. 2017. obrazložila je Dragana Lažetić, šefica Odsjeka u Ministarstvu finansija i trezora BiH.

Potom je predsjedavajući otvorio raspravu u kojoj su učestvovali: Mirsad Isaković, Predrag Kožul i Dragana Lažetić, šefica Odsjeka u Ministarstvu finansija i trezora BiH.

Nakon rasprave, Komisija je jednoglasno prihvatila Informaciju o stanju javne zaduženosti Bosne i Hercegovine na dan 31. 12. 2017.

Također, Komisija je jednoglasno usvojila i sljedeći zaključak:

„Komisija za finansije i budžet Predstavničkog doma Parlamentarne skupštine BiH traži od Ministarstva finansija i trezora BiH da u najkraćem roku dostavi informaciju o visini ukupnih potraživanja po osnovu izvršnih sudskih presuda koje se odnose na kolektivne ugovore u Federaciji Bosne i Hercegovine i pojedinačno po kantonima.“

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 67. sjednice Komisije za finansije i budžet PDPSBiH